

174

25. okt.

Verði húsmæðraskólinn á Hallormsstað lagður niður, ákveður stjórn skólans um leið og búi hans er ráðstafað, hvernig starfsemi sjóðsins skuli háttað í framtíðinni

5. gr.

6. gr.

Leita skal konunglegrar staðfestingar á skipulagsskrá þessari.

Fullgerð að Egilsstöðum á Völlum, 24. janúar 1940.

Forstöðukona húsmæðraskólans á Hallormsstað

Sigrún P. Blöndal.

Í skólaráði húsmæðraskólans á Hallormsstað

Guðrún Pálsdóttir. Björn Hallsson. Margrét Pétursdóttir.

Jón Kjerúlf. Páll Hermannsson.

175

30. okt.

REGLUGERÐ

um sérstakan tímareikning.

Samkvæmt lögum nr. 8 16. febrúar 1917, um heimild handa ráðuneytinu til ákvörðunar sérstaks tímareiknings, eru hér með sett eftirfarandi ákvæði:

Tímareikningur sá, sem gilt hefir á Íslandi frá 25. febrúar s.l., samkvæmt reglugerð dóms- og kirkjumálaráðuneytisins frá 24. febrúar 1940, breytist aftur í íslenzkan meðaltíma kl. 2 eftir miðnætti 3. nóvember næstkomandi þannig, að kl. 2 eftir núgildandi tímareikningi færist klukkan aftur um eina klukkustund og verður 1.

Í dóms- og kirkjumálaráðuneytinu, 30. október 1940.

Hermann Jónasson.

Gústav A. Jónasson.

176

5. nóv.

Staðfesting ráðuneytis Íslands á skipulagsskrá fyrir „Ræktunarsjóð Birtingaholts“ útgefin á venjulegan hátt af dóms- og kirkjumálaráðherra 5. nóvember 1940. Skipulagsskráin er þannig:

SKIPULAGSSKRÁ

fyrir Ræktunarsjóð Birtingaholts.

1. gr.

Sjóðurinn heitir Ræktunarsjóður Birtingaholts. Hann er stofnaður 17. okt. 1907 af Ágúst Helgasyni, bónda í Birtingaholti, og er nú að upphæð kr. 760.00. Ávaxtaður í aðaldeild Söfnunarsjóðs Íslands.

2. gr.

Tilgangur sjóðsins er að bæta og prýða jörðina Birtingaholt í Árnessýslu.

3. gr.

Vextir leggjast allir við höfuðstólinn, þar til að ársvextir nema kr. 200.00 — tvö hundruð krónum —. Frá þeim tíma falla til útborgunar $\frac{3}{4}$ — þrjú fjórðu — hlutar vaxtanna árlega, þar til að þeir nema kr. 300.00 — þrjú hundruð krónum —. Úr því falla til útborgunar $\frac{4}{5}$ — fjórir fimmtu — hlutar vaxtanna. Þá er ársvextir nema kr. 400.00 — fjögur hundruð krónum — falla til útborgunar $\frac{5}{6}$ — fimm sjöttu — hlutar þeirra.

176

5. nív.

4. gr.

Þá er sá tími kemur, að vextir falla til útborgunar, skal greiða ábúanda Birtingaholts þann hluta þeirra, sem útborga má ár hvert, gegn vottorði stjórnar sjóðsins um að bóndinn hafi næsta ár á undan varið a. m. k. jafnmiklu fé til að auka hið ræktaða land í Birtingaholti. Fáí bóndinn opinberan styrk í sama skyni, skal draga styrkupp hæðina frá kostnaðarverði framkvæmdarinnar og leggja upphæðina, sem þá er eftir, til grundvallar móti styrk úr sjóðnum. Úr því að ársvextirnir nema kr. 300.00, skal helming þess sem útborga má, varið svo sem áður segir, en hinum helmingnum skal varið til skógræktar, blómaræktar eða á annan hátt til þess að prýða jörðina. Útborgast sá hlutinn einnig til ábúanda jarðarinnar, gegn samskonar vottorði og skilyrðum, sem áður er talið. Verði hið áskilda verk eigi unnið eitthvert ár, skal fresta útborguninni það ár. Hafi ábúandinn þá næsta ár unnið áskilið verk tveggja ára, skal greiða honum útborgun þá, sem frestað var að borga, ella leggst hún við höfuðstólinn.

5. gr.

Verði ábúendur í Birtingaholti fleiri en einn í einu, skulu útborgaðir vextir greiddast til þeirra beggja, eða allra, í réttu hlutfalli við framkvæmdir þeirra ár hvert og fer um það að öðru leyti eftir fyrirmælum 4. greinar.

6. gr.

Ef til þess kæmi að hið útborgunarskylda fé sjóðsins yrði það mikið að réttara væri, að dómi sjóðstjórnar, að verja því sum árin til varanlegra húsabóta á jörðinni eða til rafvirkjunar, eða til annars þess, sem stjórn sjóðsins telur jörðinni til bóta og fegrunar, er henni heimilt í því efni að breyta frá ákvæðum 4. greinar, þó þannig, að hið upphaflega markmið sjóðsins, sbr. 2. gr., verði látið sitja í fyrirrúmi, svo sem verða má.

7. gr.

Stjórn sjóðsins sé skipuð 3 mönnum: Formanni Búnaðarfélags Hrunamannahrepps, hreppsnefndaroddvita Hrunamannahrepps og manni, sem stjórn Búnaðarfélags Íslands tilnefnir. Skal hann vera formaður stjórnarinnar og færa bækur sjóðsins.

8. gr.

Stjórn sjóðsins ber að halda gerðabók fyrir sjóðinn og færa í hann skipulagskrána, fundarsamþykktir, umsóknir um styrk úr sjóðnum, styrkveitingar og annað, sem varðar rekstur og hag sjóðsins. Sjóðstjórninni ber einnig að færa bók yfir eignir sjóðsins, tekjur og gjöld hans og ársreikninga og sjá um að verk þau, er styrkt verða úr sjóðnum, séu vel af hendi leyst.

9. gr.

Reikningsár sjóðsins skal vera almanaksárið og skal reikningurinn gerður fyrir lok marzmánaðar ár hvert. Ársreikning sjóðsins skal birta í Lögbirtingablaðinu.

176

5. nóv.

10. gr.
Aldrei má með kaupbréfi né byggingarbréfi, né á annan hátt gera ráðstafanir, sem koma í bága við þessa skipulagsskrá.

11. gr.

Leita skal konungsstaðfestingar á skipulagsskrá þessari og óskast hún birt í B-deild Stjórnartíðindanna. Fellur þá úr gildi skipulagsskrá sjóðsins frá 17. okt. 1907, þinglesin 13. janúar 1908.

177

5. nóv.

AUGLÝSING

um staðfesting dóms- og kirkjumálaráðuneytisins á reglugerð um barnavernd í Borgarneskaupúni.

Samkvæmt 2. gr. laga nr. 76 frá 19. júní 1933, um breyting á lögum nr. 43 frá 1932, um barnavernd, er hér með staðfest eftirfarandi

REGLUGERÐ

um barnavernd í Borgarneskaupúni.

1. gr.

Í umdæmi barnaverndarnefndar Borgarness er bannað að selja eða afhenda börnum eða unglíngum innan 16 ára aldurs tóbak, hverju nafni sem nefnist, gefa þeim það eða láta þeim það í té á nokkurn hátt, eða stuðla að því, að þau neyti þess eða hafi það með höndum.

2. gr.

Leiksyningar og myndir, sem ætlast er til að börnum og unglíngum innan 16 ára aldurs sé seldur aðgangur að, skulu áður sýndar barnaverndarnefndinni, eða þeim, sem hún felur að dæma um þær. Getur nefndin, ef henni þykir ástæða til, bannað að börn og unglíngar fái aðgang að þeim. Um aðrar opinberar skemmtanir gildir hið sama, að barnaverndarnefnd skal tilkynnt, hvað þar á að fara fram, og ræður hún þá, hvort börnum innan 14 ára aldurs skuli leyfður aðgangur eða ekki.

3. gr.

Börn innan 14 ára aldurs mega aldrei dvelja lengur en til miðnættis á dansleikjum eða öðrum opinberum skemmtunum, nema með sérstöku leyfi barnaverndarnefndar.

4. gr.

Börn innan 12 ára aldurs mega ekki vera á almannafæri eftir kl. 7 á kvöldin á tímabilinu frá 1. október til 1. maí, og ekki eftir kl. 9 á tímabilinu frá 1. maí til 1. október, nema í fylgd með aðstandendum sínum, eða þeim fullorðnum, sem þeir hafa falið gæzlu barnanna.

Börn 12 til 14 ára mega ekki vera á almannafæri eftir kl. 8 að kvöldi á tímabilinu frá 1. október til 1. maí, og ekki eftir kl. 10 á tímabilinu frá 1. maí til 1. október, nema í fylgd með aðstandendum sínum, eða þeim fullorðnum, sem þeir hafa falið gæzlu barnanna.

Börn 14 til 16 ára mega ekki vera á almannafæri eftir kl. 10 að kvöldi á tímabilinu frá 1. október til 1. maí, nema í fylgd með aðstandendum sínum, eða þeim fullorðnum, sem þeir hafa falið gæzlu barnanna.